



29. november 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit nalunaarasuartaateqarnermut tunngasut pillugit imaatigut kabeli ilanngullugu:

1. § 37 tunngavigalugu apeqqummi 227-mi apeqqutip pingajuanni Tele Postip oqaatigaa piareersimallutik niuernikkut periarfissanik takkuttussanik islandimi paasissutissanik katersuiviit siuariartorluualissagaluarpata.

Qanoq pisoqarnerani nalilerneqassava "siuariartorluartoqalersoq" Verne Globalip allarpassuarnut ilanngullugu BMW pisisartorimmagu Islandimi paasissutissanik katersuivik 18 hektarinik annertussusilik2012-mi aallartimmalli?

2. § 37 tunngavigalugu apeqqummi 227-mi apeqqutip pingajuanni Tele Postip aamma oqaatigaa pisariaqartoq Tele Postip paasissutissanik ingerlatitseqqittarnermini akinik pissarsisariaqassasoq ingerlatseqatigiiffik iluanaaruteqarsinnaalersillugu akissaqartilerlugit aningaasaliissutissat pisariaqartut aamma ingerlatsinermut aningaasartuutit. Ingerlatseqatigiiffiup Imaatigut kabelimut aningaasaliissutini nalikilliliissutigereermagit taamaasillunilu Tele Post periarfissaarutereermat Return on Investmentimik (ROI)-mik pilersitsinissaminut taava qanoq ilillutik Naalackersuisut takorloorsinnaavaat iluanaaruteqartoqarsinnaassasoq aamma Naalackersuisut isumaqarpat Tele Postip imaatigut kabelip sakkortussusaa iluanaaruteqarfigisinnaassagaa, ullormi manna tikillugu imaatigut kabeli iluanaaruteqarfigisinnaasimangimmassuk?

a. Tele Postip ulluni makkunani tusaqqusaarutigilluarpaa suleqatertillu islandimeersoq Verne akit APPARTISSINNAASIMALLUGIT 80-90 %-nik. Naalackersuisut isumaqarnerlutik ilumoortoq killormut saatinniarneqartoq Tele Postimi § 37 tunngavigalugu apeqqummut 227-mut akipput pisariaqartoq paasissutissanik ingerlatitseqqittarnermi akit ima qaffasitsigissasut ingerlatseqatigiiffik iluanaaruteqarsinnaanngorlugu?

Taava sunamita pissutaava Tele Post tassanngaannaq akitigut unammillersinnaaleriataarneranut atlantiku ikaarlugu paasissutissanik ingerlatitseqqittarnermi akit eqqarsaatigalugit, oqaatigineqartummi akissutaareersumut naleqqiullugu killormoorput?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Demokraatit Inatsisartuni gruppiata apeqqummut nummer 2017-246-mut akissutisiaat tupaallaatigaarput.

Naalackersuisut apeqqutigut paasisinnaarpasinngilaat, Inatsisartuni gruppimit tamarmit apeqqutigineqarmata aamma amerlammata.



Inussiarnersuungattali Naalackersuisut ikiukuttoorsinnaavagut. Taamaattumik matumuuna Inatsisartunut ilaasortaq Randi Vestergaard Evaldsen kisimiilluni apeqqutit saqqummiutissavai kiisalu aamma apeqqutigit immikkoortitaarlugit saqqummiutissavagut. Taamatut ilioratta neriuppugut Naalackersuisut paasisinninnissaannut ikiorsimassallutigit.

Taamaasilluta neriuppugut Naalackersuisut pisussaaffitsik naapertorlugu apeqqutigit akisinnaajumaaraat.

Ataani takuneqarsinnaapput apeqqummut 2017-246-mut tunngavilersuutigit:

Demokraatini tigunikuuarpur Naalackersuisut apeqqutitsinnut nr. 227-mut akissutaat ilaatigit tunngasoq imaatigit kabelip "Greenland Connect"ip piginnaassusaanut.

Naalackersuisut akissutaat apeqqutinik arlalinnik qaffatsitsippur ilaatigit Naalackersuisut akissutaanni paasisutissat eqqortut amingaataammata.

Taamaattumik Naalackersuisut qinnuigisariaqalersimavagut apeqqutit qulaaniittut akeqqullugit tamatumalu saniatigit innersuussutigissuagut apeqqutitsinnut normu 2017/227-mut tunngavilersuutigisimasagut.

Apeqqutit akeqquagut ullut suliffiit naliginnaasut qulit iluanni.